

Izveštaj o radu Uprave policije MUP-a Kantona Sarajevo za mjesec novembar 2021. godine

KRIMINALITET

STATISTIČKI POKAZATELJI

U mjesecu novembru 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 363 događaja sa obilježjem krivičnog djela (što je za sedam ili 1,9% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 183 ili 50,4% je evidentirano po poznatom izvršiocu, a 180 ili 49,6% po nepoznatom izvršiocu.

Od ukupno 180 događaja sa obilježjem krivičnog djela evidentiranih po nepoznatom izvršiocu, naknadno je rasvijetljen 31 događaj ili 17,2% (što je za 4,6% manje u odnosu na uporedni mjesec) od čega je pet događaja evidentirano u mjesecu novembru, a 26 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 193 obavijesti (111 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU NOVEMBRU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
NOVEMBAR 2021. GODINE	363	183	180	31	26	213	5	108	63
NOVEMBAR 2020. GODINE	370	154	216	47	26	213	7	126	95
<i>uporedba</i>	+/-	-7	29	-36	-16	0	-2	-18	-32
	%	-1,9%	18,8%	-16,7%	-34,0%	<i>isto</i>	<i>isto</i>	-28,6%	-14,3%

U toku mjeseca novembra ove godine prijavljeno je 213 lica (isti broj), od kojih je 108 povratnika (18 manje) (ili 50,7% od ukupnog broja prijavljenih lica), pet maloljetnika (dva manje), a 63 lica su lišena slobode (32 manje).

Za događaje sa obilježjem krivičnog djela, koji su evidentirani u mjesecu novembru 2021. godine, prema izjavama oštećenih lica, nastupila je materijalna šteta u ukupnom iznosu od 480.302,45 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU NOVEMBARU 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBIH-a I BiH**

KZ FBIH-a i KZ BiH-a	NOVEMBAR 2021. GODINE	NOVEM BAR 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	24	16	8	50%	23	1	0	0%
Protiv slobode i prava čovjeka i građanina	27	16	11	68,8%	26	1	1	100%
Protiv spolne slobode i morala	1	3	-2	-66,7%	1	0	0	---
Protiv braka, porodice i mladeži	24	17	7	41,2%	24	0	0	---
Protiv zdravlja ljudi	21	39	-18	-46,2%	21	0	0	---
Protiv imovine	224	243	-19	-7,8%	48	176	29	16,5%
Protiv okoliša	0	2	-2	---	0	0	0	---
Protiv opće sigurnosti ljudi i imovine	4	8	-4	-50%	3	1	0	0%
Protiv sigurnosti javnog prometa	11	6	5	83,3%	11	0	0	---
Protiv pravosuđa	1	2	-1	-50%	1	0	1	---
Protiv javnog reda i pravnog prometa	14	13	1	7,7%	13	1	0	0%
Protiv podmićivanja i krivična djela protiv službene i druge odgovorne funkcije	8	0	8	---	8	0	0	---
Protiv privrede i jedinstva tržišta te KD iz oblasti carina (KZBiH)	1	0	1	---	1	0	0	---
ZONDINOIM-a - Zakon o nabavljanju, držanju i nošenju oružja i municije	3	5	-2	-40%	3	0	0	---
UKUPNO	363	370	-7	-1,9%	183	180	31	17,2%

U mjesecu novembaru 2021. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za sedam ili 1,9%. Najznačajnija smanjenja su zabilježena u oblastima protiv imovine (za 19 događaja) i zdravlja ljudi (za 18), dok su povećanja evidentirana u oblastima protiv slobode i prava čovjeka i građanina (za 11), života i tijela (za osam), "podmićivanja" (za osam), braka, porodice i mladeži (za sedam), sigurnosti javnog prometa (za pet događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom novembra 2021. godine evidentirana su 24 događaja sa obilježjem krivičnog djela iz oblasti protiv života i tijela (osam više u odnosu na mjesec novembar 2020. godine) i to 23 po poznatom i jedan po nepoznatom izvršiocu. Evidentirani su sljedeći događaji:

- teška tjelesna ozljeda (član 172. KZ FBIH) – devet i
- lahka tjelesna ozljeda (član 173. KZ FBIH) – 15 događaja.

Nadležnom tužilaštvu podneseni su službeni izvještaji protiv 22 lica, od kojih je 10 povratnika (ili 45,4%), a tri su lišena slobode.

Nastavljajući sa operativnim mjerama i taktičkim radnjama u cilju identifikacije, pronalaska, privođenja i procesuiranja izvršilaca ubistva policijskih službenika Šehović Adisa (1975.) i Vujinović Davora (1972.), u mjesecu novembru ove godine službenici Uprave policije MUP-a Kantona Sarajevo su nadležnom tužilaštvu dostavili dopunu službenog izvještaja protiv šest lica.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 27 događaja sa obilježjem krivičnog djela (11 više) i to ugrožavanje sigurnosti – 26 i protupravno lišenje slobode – jedan događaj. Prijavljena su 33 lica, od kojih je 15 povratnika (ili 45,4%), a dva su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu novembru evidentirana su 24 događaja sa obilježjem krivičnog djela (sedam više) i to nasilje u porodici – 23 i izbjegavanje izdržavanja – jedan događaj. U ovoj oblasti prijavljena su 23 lica, od kojih je 13 povratnika (ili 56,5%), a 15 je lišeno slobode.

PROTIV ZDRAVLJA LJUDI

Evidentiran je 21 događaj sa obilježjem krivičnog djela iz oblasti protiv zdravlja ljudi (18 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva i
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 21. lica, među kojima je 10 povratnika (ili 47,6%) i devet lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv Š.M. (2001.) i S.D. (1957.) zbog postojanja osnova sumnje da su u proteklom periodu u više navrata kupovali opojnu drogu "Marihuanu" na raznim lokalitetima, od za sada nepoznatih lica, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 19 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Extazy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU NOVEMBRU 2021/20. GODINE

VRSTA OPOJNE DROGE	novembar 2021. godine	novembar 2020. godine
Marihuana (paketići)	2	8
Marihuana (u gramina)	238,362	1.064,796
Heroin (u gramima)	5	106,444
Cannabis ulje (u mililitrima)	---	30
Amfetamin (paketići)	---	2
Amfetamin (u gramima)	173	294,734
Extazy (tablete kom.)	138	---
Extazy (u gramima)	20,378	28,735
Speed (u gramima)	2,647	5
Hašiš (u gramima)	2	11
pribor sa ostacima droge (komada)	10	18

PROTIV IMOVINE

U ovom mjesecu, evidentirana su 224 događaja sa obilježjem krivičnog djela protiv imovine (48 po poznatom i 176 po nepoznatom izvršiocu) što je za 19 ili 7,8% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 107 (jedan više),
- krađa (član 286. KZ FBiH) – 57 (23 manje),
- razbojništvo (član 289. KZ FBiH) – 26 (jedno više),
- oštećenje tuđe stvari (član 293. KZ FBiH) – 21 (dva više),
- prijevarena (član 294. KZ FBiH) – šest (dva više),
- teška krađa u pokušaju (član 287. KZ FBiH u vezi člana 28.) – dva (isto), itd.

Nadležnom tužilaštvu podneseni su službeni izvještaji protiv 63 lica, od kojih je 45 povratnika (ili 71,4%), a 19 je lišeno slobode.

Od ukupno 176 događaja evidentiranih po nepoznatom izvršiocu iz oblasti protiv imovine naknadno je rasvijetljeno 29 ili 16,5% što je za 5,9% manje u odnosu na novembar 2020. godine.

Tokom mjeseca novembra ove godine, 41. teška krađa je izvršena u stambenim objektima (dva više), 31. u motornim vozilima (otuđenja motornih vozila i “provale” u ista) (11 više), 23 u poslovnim prostorijama (pet manje), sedam na ulici (dva manje), itd.

Takođe, evidentirano je deset otuđenja motornih vozila, a šest je pronađeno i vraćeno vlasnicima (od strane policijskih službenika Uprava policije MUP-a KS – vraćeno je pet i vlasnici su pronašli jedno vozilo).

Broj otuđenih motornih vozila u odnosu na uporedni mjesec povećan je za tri ili 42,9%, a zbog postojanja osnova sumnje da su učestvovali u otuđenju motornog vozila nadležnom tužilaštvu u mjesecu novembru 2021. godine podneseni su službeni izvještaji protiv četiri lica (jedno više).

Evidentirano je 57 događaja sa obilježjem krivičnog djela krađe (23 manje) i to u poslovnim prostorijama – 20 puta, na ulici 18, u vozilima i na stajalištima GRAS-a - devet, u stambenim objektima - pet, itd. odakle su otuđivani novčanici, mobiteli, tehnička roba, bicikli, prehrambeni proizvodi, autodijelovi, itd.

Evidentirano je sedam događaja sa obilježjem krivičnog djela teških krađa na naročito opasan ili naročito drzak način (sedam manje), u kojima su izvršiocu, upotrebom fizičke snage (otimanjem i trganjem) - šest puta i verbalnom prijetnjom u jednom slučaju, otimali mobitele, novac i nakit, a evidentirani su: na ulici - tri puta, u prodavnici – dva, u haustoru i trolejbusu – po jedan. Nadležnom tužilaštvu podnesen je službeni izvještaj protiv tri lica, povratnika u činjenju krivičnih djela, koja su lišena slobode.

Od ukupno 24 događaja razbojništava koja su evidentira po nepoznatom izvršiocu, naknadno su rasvijetljena četiri ili 16,7% što je za 16,6% manje u odnosu na uporedni mjesec.

Razbojništva su izvršena prijetnjom upotrebe vatrenog oružja - osam puta, prijetnjom upotrebe noža ili drugog oštrog predmeta – deset i upotrebom fizičke snage – osam puta, a počinjena su u poslovnim prostorijama – 17 puta, u apotekama i na ulici – po tri, u sportskim kladionicama – dva i na benzinskoj pumpi - jedno. Otudivani su mobiteli, novac i cigarete.

PROTIV OPĆE SIGURNOSTI LJUDI I IMOVINE

Iz ove oblasti evidentirana su četiri događaja (četiri manje) i to: - izazivanje opće opasnosti – tri i nesavjesno čuvanje pasa i drugih opasnih životinja – jedan događaj, a nadležnom tužilaštvu podneseni službeni izvještaji protiv tri lica, od kojih su dva povratnika (ili 66,7%).

Događaji sa obilježjem krivičnog djela izazivanje opće opasnosti izvršeni su na otvorenom prostoru – dva puta i u stambenom objektu – jednom, pri čemu je dva puta pucano iz vatrenog oružja i u jednom slučaju otvorenim plamenom izazvan je požar. Posljedice su ranjavanje jednog lica (teške tjelesne ozljede), nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 14 događaja sa obilježjem krivičnog djela (jedan više) i to: nasilničko ponašanje – osam, nedozvoljeno držanje oružja ili eksplozivnih materija – četiri, skidanje ili povreda službenog pečata ili znaka i krivotvorenje isprava – po jedan događaj.

Nadležnom tužilaštvu podneseni su službeni izvještaji protiv 22 lica od kojih su dva povratnika (ili 9,1%), a osam lica je lišeno slobode.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirano je osam događaja sa obilježjem krivičnog djela i to: primanje dara i drugih oblika koristi – pet, davanje dara i drugih oblika koristi, zloupotreba položaja ili ovlaštenja i pronevjera u službi – po jedan događaj. Nadležnom tužilaštvu podneseni su službeni izvještaji protiv pet lica, povratnika u činjenju krivičnih djela.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu novembru 2021. godine evidentirana su četiri događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2020. godine smanjen je broj maloljetnih lica za dva ili 28,6%, a broj događaja sa obilježjem krivičnog djela smanjen za jedan ili 20%. Prijavljeni maloljetnici su u dobi od 14 do 16 godina – tri, od 16 do 18 godina – dva.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU NOVEMBRU 2021/2020. GODINE

mjesec	Broj događaja sa obilježjem krivičnog djela	Broj evidentiranih maloljetnih lica	Broj povratnika
NOVEMBAR 2021. GODINE	4	5	1
NOVEMBAR 2020. GODINE	5	7	2
uporedba	-1 ili 20%	-2 ili 28,6%	-1 ili 50%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA NOVEMBAR 2021/2020. GODINE

događaji sa obilježjem krivičnog djela (KZ FBiH)	novembar 2021.	novembar 2020.
lahka tjelesna ozljeda	---	1
teška tjelesna ozljeda	2	---
posjedovanje i omog. uživanja opojnih droga	---	1
teška krađa	---	1
teška krađa u pokušaju	---	1
lažno prijavljivanje	2	1
UKUPNO	4	5

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2021. godine na području Kantona Sarajevo nije bilo evidentiranih događaja aktiviranja minsko-eksplozivnih sredstava (dva u novembru 2020. godine).

U toku mjeseca novembra 2021. godine evidentirana je jedna anonimna dojava o postavljenoj eksplozivnoj napravi u prostorijama škole na području općine Novi grad (isto kao u novembru 2020. godine). Nakon KDZ pregleda utvrđeno je da je dojava bila lažna, a preduzimaju se aktivnosti na rasvjetljavanju ovog događaja i pronalaženju učinioca.

POŽARI

Tokom mjeseca novembra 2021. godine, na području Kantona Sarajevo registrovano je 10 požara (13 manje u odnosu na isti mjesec prethodne godine), usljed kojih je natupila materijalna šteta.

Prema statističkim pokazateljima, sedam požara je izazvano namjerno, jedan zbog tehničkih nedostataka, dok uzroci dva požara spadaju u kategoriju ostalih.

Požari su registrovani u:

- Saobraćajnom sredstvu - četiri puta,
- Stambenim objektima - tri,
- Poslovnom prostoru - jednom,
- Magacinu - jednom,
- Ostalim objektima - jednom.

Zbog izazivanja požara nadležnom tužilaštvu podnesen je jedan službeni izvještaj za počinjeno krivično djelo iz člana 323 KZ FBiH (izazivanje opće opasnosti).

SAMOUBISTVA

U mjesecu novembru 2021. godine na području Kantona Sarajevo registrovana su dva samoubistva (šest manje), koja su izvršena vješanjem, a izvršiooci su muškarci starosne dobi: 47 i 69 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pištolja, dvije puške, tri noža, jedna ručna bomba, 180 komada municije različitog kalibra i jedan predmet pogodan za nanošenje tjelesnih ozljeda.

U mjesecu novembru ove godine fizičkim licima izdato je 166 odobrenja za nabavku vatrenog oružja i 135 oružnih listova.

JAVNI RED I MIR

U toku mjeseca novembra 2021. godine u oblasti protiv javnog reda i mira evidentirana su 324 prekršaja (1.398 ili 81,2% manje u odnosu na isti mjesec 2020. godine), a za izvršenje navedenih prekršaja prijavljeno je 340 lica (1.401 ili 80,5% manje), od čega je 76 povratnika u činjenju prekršaja.

Zbog učinjenih prekršaja u oblasti protiv javnog reda i mira izdata su 252 naloga i podnesena su 72 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 293 prekršaja (ili 90,4%), a na prekršaje koji su utvrđeni Odlukom općinskih vijeća o javnom redu i miru 31 (ili 9,6%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (152), između 26 i 35 godina (119) i između 19 i 25 godina (69).

Prilikom narušavanja javnog reda i mira u mjesecu novembru 2021. godine, nije bilo teže povrijeđenih lica (isto kao u novembru 2020. godine), dok je 12 lica (šest više) lakše povrijeđeno.

U toku mjeseca novembra 2021. godine, u odnosu na isti mjesec 2020. godine neznatno povećanje broja evidentiranih prekršaja evidentirano je u PS Novi Grad, a u svim ostalim Policijskim stanicama evidentirano je smanjenje prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC NOVEMBAR 2021/2020.GODINA

STRUKTURA PREKRŠAJA	novembar 2021.	novembar 2020.	+ - %	
UKUPNO NALOGA I ZAHTJEVA	324	1.722	-1.398	81,2%
UKUPNO LICA	340	1.741	-1.401	80,5%
Prekršaji iz Zakona o prekršajima protiv JRiM:	293	1.710	-1.417	82,9%
<i>-Tuče</i>	28	18	+10	55,5%
<i>-Naročito drsko ponašanje</i>	41	40	+1	2,5%
<i>-Odbijanje naređenja i omalov. policijskih službenika</i>	20	62	-42	67,7%
<i>-Svađa, vika, nepristojno ponašanje</i>	13	50	-37	74%
<i>-Uživanje opojne droge na javnom mjestu</i>	---	2	-2	---
<i>-Neovlaštena upotreba oružja</i>	1	---	+1	---
<i>-Paljenje petardi</i>	---	---	---	---
<i>-Prosjačenje</i>	122	42	+80	190,5%
<i>-Ostali prekršaji iz Zakona o prekrš. protiv JRiM</i>	68	1.496	-1.428	95,4%
Prekršaji prema Odluci OV o JRiM	31	12	+19	158,3%

Iz tabelarnog pregleda vidljivo je, da je tokom mjeseca novembra 2021. godine, u odnosu na novembar prethodne godine prema strukturi prekršaja povećan broj:

- prosjačenja za 80 ili 190,5%,
 - prekršaja koji su regulisani Odlukom općinskih vijeća za 19 ili 158,3%,
 - tuča za 10 ili 55,5%,
 - naročito drskog ponašanja za jedan ili 2,5% i
 - neovlaštena upotreba oružja za jedan prekršaj;
- dok je smanjen broj:
- ostalih prekršaja za 1.428 ili 95,4%,
 - odbijanje naređenja i omalovažavanje policijskih službenika za 42 ili 67,7%,
 - svađa, vika, nepristojno ponašanje za 37 ili 74% i
 - uživanja opojne droge na javnom mjestu za dva prekršaja.

Prema vrsti prekršaja, najbrojniji su sljedeći prekršaji: prosjačenje (122 ili 37,6% od ukupnog broja), naročito drsko ponašanje (41 ili 12,6%), tuče (28 ili 8,6%) odbijanje naređenja i omalovažavanje policijskih službenika (20 ili 6,2%), svađa, vika, nepristojno ponašanje (13 ili 4%) i neovlaštena upotreba oružja – jedan prekršaj. Takođe, evidentirano je 68 prekršaja iz kategorije ostali prekršaji i 31 prekršaj koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (225 ili 69,4% od ukupnog broja), a znatno manje u trgovinskim i zanatskim radnjama (66 ili 20,4%), u ugostiteljskim objektima – sedam, u vozilima javnog saobraćaja – jedan i na ostalim mjestima 25 prekršaja.

U odnosu na isti mjesec 2020. godine, smanjen je broj prekršaja evidentiranih na ulici i drugim otvorenim prostorima za 1.455 ili 86,6% i u ugostiteljskim objektima za 14 ili 66,7%, dok je povećan broj prekršaja u trgovinskim i zanatskim radnjama za 64 ili 3.200%, na ostalim mjestima za šest ili 31,6% i u vozilima javnog saobraćaja za jedan prekršaj.

Na području Kantona Sarajevo u mjesecu novembru 2021. godine održano je 189 javnih skupova (13 ili 7,4% više u odnosu na mjesec novembar 2020. godine). Policijski službenici Uprave policije proveli su planske aktivnosti u cilju bezbjednog

SAOBRAĆAJ

Na području Kantona Sarajevo u mjesecu novembru 2021. godine registrovano je 614 saobraćajnih nezgoda (19 ili 3 % manje), od čega su 542. sa materijalnom štetom (39 ili 6,7 % manje) i 72. sa nastradalim licima (20 ili 38,5 % više).

U navedenim saobraćajnim nezgodama tri lica su poginula (u istom mjesecu prošle godine nije bilo poginulih lica), dok su 84 lica povrijeđena (22 ili 35,5 % više) od čega osam teže i 76 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2021./20. GODINE

	novembar 2021.	novembar 2020.	uporedba
UKUPNO SAOBRAĆAJNIH NEZGODA	614	633	-19 ili 3 %
Saobraćajne nezgode sa nastradalim licima	72	52	+ 20 ili 38,5 %
Saobraćajne nezgode sa materijalnom štetom	542	581	- 39 ili 6,7 %
POGINULO LICA	3	0	+ 3
- vozači	2	0	+ 2
-putnici	0	0	----
- pješaci	1	0	+ 1
POVRIJEĐENO LICA	84	62	+ 22 ili 35,5 %
- vozači	38	36	+ 2 ili 5,5 %
- putnici	23	18	+ 5 ili 27,8 %
- pješaci	23	8	+ 15 ili 187,5 %

U naselju je registrovano 565 saobraćajnih nezgoda (tri sa poginulim, 62. sa povrijeđenim licima i 500 sa materijalnom štetom), van naselja 49 nezgoda (sedam sa povrijeđenim licima i sa 42. sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	3	8	54	500	565	3	8	69
van naselja			7	42	49			7
UKUPNO	3	8	61	542	614	3	8	76

Prema kategoriji puta, najveći broj saobraćajnih nezgoda registrovan je:

- na ulicama u naselju - 414 nezgoda u kojima je 49 lica nastradalo (dva lica poginula, 47 lica povrijeđeno, osam teže i 39 lakše),
- na magistralnim putevima - 79 nezgoda u kojima je 12 lica lakše povrijeđeno,
- na lokalnim putevima - 38 (sedam lica lakše povrijeđeno),
- na regionalnim putevima - 24 (tri lica lakše povrijeđena),
- na putevima koji se ubrajaju u kategoriju ostalih - 59 nezgoda u kojima je 16 lica nastradalo (jedno lice poginulo, 15 lica lakše povrijeđeno).

POSljedICE SAOBRAĆAJNIH NEZGODA

Tokom mjeseca novembra 2021. godine, u saobraćajnim nezgodama na području Kantona Sarajevo 87 lica je nastradalo (25 ili 40,3 % više). Tri lica su poginula (u istom mjesecu prošle godine nijedno), dok su 84 lica povrijeđena (22 ili 35,5 % više), od čega osam teže (dva ili 33,3 % više) i 76 lakše (20 ili 35,7 % više).

Od ukupno 84 povrijeđena lica u mjesecu novembru 2021. godine evidentirano je: 38 vozača (dva teže i 36 lakše), 23 putnika (jedan teže i 22 lakše) i 23 pješaka (pet teže i 18 lakše).

Starosna struktura nastradalih lica u saobraćajnim nezgodama je slijedeća:

- Ispod šest godina - jedno lice,
- od 6 do 17 godina - 12,
- od 18 do 20 godina - sedam,
- od 21 do 24 godine - 10,
- od 25 do 30 godina - 18,
- od 31 do 40 godina - 12,
- od 41 do 50 godina - devet,
- od 51 do 65 godina - 11,
- 66 i više godina - četiri,
- nepoznata starosna dob - tri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - šest,
- od 23 do 30 godina - 15,
- od 30 do 40 godina - devet,
- od 40 do 50 godina - pet,
- od 50 do 60 godina - pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 514 (tri lica poginula, 57 lica povrijeđeno, osam teže i 49 lakše),
- neprilagođena brzina - 95 (26 lica lakše povrijeđeno),
- uticaj alkohola - pet saobraćajnih nezgoda (jedno lice lakše povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2021. godine, policijski službenici Uprave policije MUP-a Kantona Sarajevo kontrolisali su:

- 18.795 vozila i vozača (6.264 više),
- 5.108. lica u vozilima (1.434 više),
- pregledali 599 vozila (438 više) i 462 lica u vozilima (325 više).

Zbog tehničke neispravnosti iz saobraćaja su isključena 52 vozila (44 više), 361 vozač je zatečen da upravlja vozilom pod dejstvom alkohola (240 više), 477 bez korištenja sigurnosnog pojasa (270 više), 162 bez položenog vozačkog ispita (24 više), 81. pod izrečenom zaštitnom mjerom

(19 više), 300 vozača je zatečeno da koriste mobitel tokom vožnje (46 više) i 166 vozila je učestvovalo u saobraćaju bez važeće registracije (346 manje).

Zbog kršenja propisa iz oblasti sigurnosti saobraćaja uručena su 18.122 prekršajna naloga vozačima (5.224 ili 40,5 % više u odnosu na novembar prošle godine) i podneseno 260 zahtjeva za pokretanje prekršajnog postupka (29 ili 12,5 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca novembra 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 10.177 prekršajnih naloga (5.854 više), upozoreno je 226 vozača (21 više), a specijalnim vozilom "pauk" premješteno je 176 vozila (113 više).

Takođe, pješacima koji su kršili propise uručeno je 128 prekršajnih naloga (62 više), a upozoreno je devet pješaka (19 manje).

ZAKONITOST U RADU

Tokom mjeseca novembra 2021. godine, nisu registrovani napadi na policijske službenike Uprave policije MUP-a Kantona Sarajevo (isto kao u novembru prošle godine).

Takođe, u mjesecu novembru 2021. godine registrovana su četiri slučaja upotrebe sile:

- Dana 26.10.2021. godine, na području općine Centar, dva policijska službenika Prve PU su upotrijebili fizičku silu i sredstva za vezivanje.
- Dana 31.10.2021. godine, na području općine Ilidža, četiri policijska službenika Pete PU su upotrijebili fizičku silu i sredstva za vezivanje.
- Dana 07.11.2021. godine, na području općine Novi Grad, tri policijska službenika Četvte PU - PS Dobrinja su upotrijebili fizičku silu i sredstva za vezivanje.
- Dana 16.11.2021. godine, na području općine Centar, dva policijska službenika Prve PU su upotrijebili fizičku silu i sredstva za vezivanje.

Tri upotrebe sile su opravdane, dok je postupak pravdanja jedne upotrebe sile u toku.

Razmatrano je 25 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 10 predstavki (10 manje) provede unutrašnja istraga, za 14 predstavki je odlučeno da se izvrše provjere i prikupi dokumentacija, a za jednu predstavku da je nesnovana.

Od 25 razmatranih predstavki, 20 je podneseno od strane građana, dok pet predstavki predstavljaju saznanja iz službe.

Okončano je 16 unutrašnjih istraga, od čega je pet neosnovanih, tri istrage su osnovane, dvije su bile bez dovoljno dokaza, dok je u šest slučajeva interni postupak prekinut do okončanja krivičnog postupka ili krivične istrage.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca novembra 2021. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Organizacija i održavanje interne specijalističke obuke za 20 policajaca u zajednici na temu „Standardizacija edukativnih radionica za učenike osnovnih i srednjih škola iz oblasti rada policije u zajednici“,
- Organizacija interne specijalističke obuke za 19 rukovodećih radnika Uprave policije MUP-a Kantona Sarajevo, na temu „Rodna ravnopravnost u policijskim strukturama“, održanoj putem Cisco Webex platforme,
- Učestvovanje na konferenciji održanoj u sklopu projekta „Za život bez rodno zasnovanog nasilja u Sarajevu“, organizovanoj od strane NVO „Medicus Mundi Mediterania“ iz Barselone i NVO „Fondacija lokalne demokratije“ iz Sarajeva,
- Nastavljena je realizacija projekata: „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u BiH“, „Policija prijatelj škole“, kao i edukativne radionice na teme: „Dijete u saobraćaju“, „Međuvršnjačko nasilje“, „Stop zloupotrebi droga“, za učenike osnovnih i srednjih škola na području Kantona Sarajevo.

MIGRANTI

Na osnovu Izvještaja Operativnog tima za pitanja migranata, a prema podacima International Organization for Migration (IOM-a) na području Kantona Sarajevo u prihvatnim, azilantskim i imigracionim centrima boravi cca 1.322 migranta.

U mjesecu novembaru 2021. godine migranti su učestvovali u pet događaja sa obilježjem krivičnog djela i to:

- teška tjelesna ozljeda (čl. 172. KZ FBiH),
- lahka tjelesna ozljeda (čl. 173. KZ FBiH),
- teška krađa (čl. 287. KZ FBiH),
- teška krađa u pokušaju (čl. 287. u vezi člana 28. KZ FBiH),
- razbojništvo (čl. 289. KZ FBiH)

Takođe tokom mjeseca novembra, policijski službenici proveli su ukupno pet akcija, kontrolisali su 139 migranata, od čega 13 nije posjedovalo registracijski obrazac, devet ih je predato službi za poslove sa strancima radi registracije i 16 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC NOVEMBAR 2021. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.322
UKUPAN BROJ KONTROLISANIH MIGRANATA	139
BROJ MIGRANATA LIŠENIH SLOBODE	5
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	4
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	5
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	25

Sarajevo, 13.12.2021. godine

Odjeljenje za odnose s javnošću